



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Parallelia Geographiae Veteris Et Novae**

Parallelia Geographica Italiae Veteris Et Novae

**Briet, Philippe**

**Parisiis, 1649**

Nvm. 4. De Qualitate totius Regni Neapolitani.

**urn:nbn:de:hbz:466:1-13120**

*Spartiuento*, quæ distantia complectitur totos sex gradus maioris circuli, ac proinde 360. mil. pas. leucas Francicas 180. Germanicas 90. Millaria Italica quidam ei tribuunt 450. sed flexuosum cursum sequuntur.

*Latitudo maxima*, desumitur à Caietâ, ad ostium Truenti Fl. 110. aliis 112. mill. pass. leucarum Francicarum 55. Germanicarum 27. cum dimidia. *Minima latitudo*, à sinu S. Euphemiae 18. aut 20. mil. pass. leucarum nostrarum 9. aut 10. Germanicarum 5. circiter.

*Ambitus* eius dicitur nunc esse 1460. milliarium omnibus reditè subductis, Collenucius autem ei tribuit 1568. quod defletere videtur à vero.

#### N V M. 4. De qualitate totius Regni Neapolitani.

REGNUM NEAPOLITANVM in genere caloribus obnoxium est, in maximè cis Apenninum, non ita trans montem illum æstus desciunt nisi in Apuliâ: tum quia mons ille calorem repercutit, tum quia idem ventos Boreales & frigidos refringit. Vbiique rigua est, quia Apenninus ex utroque pede suo innumeros fluuios, & fontes emittit. Vbiique oleum, vbiique vinum prouenit, vbiique pascua lœta ex quibus equi Neapolitani, qui 14. annos laborem ferre possunt, immo & annis 20. si bene curentur. Nutriuntur hinc estate, in vallibus opacis, aut in iugis algidis Apennini; hyeme in planitem deducuntur, maribus, feminisque discretis ne venere dissoluantur, & sub ilices proceras tempestate sanguine diffugiunt. Nulla hinc venenata animalia præter Tarentulam & Chersydros. Tarentulæ morsus musicâ sanatur: Chersydri ita dicti sunt serpentes qui in terrâ, & aquis viuunt. Locustæ hinc quoque magnam agris perniciem inferunt. In eo metalla omnis generis, & fodinae auri & argenti desertæ sunt, quia labori non respondebat pretium. Item hinc omnis generis marmora, lapides Lydij exquisitissimi quos Parangonas vocant. Bubali hinc quoque vegeti, & grandes, & omnis generis animalia. Sed iam singulas huius regni provincias inuisamus.

CAMPANIA FELIX, seu TERRA LEBORINA mollissimi, & temperatissimi aëris est. Aquis item abundat ad depellendos morbos. Ager hinc fertilissimus, atque cultissimus, & ferè vbiique bis in anno flores emittit. Bis quoque lina proueniunt, semel frumentum

tum, quo exciso *Zea*, quæ ideo *Campana*, & Italica nominatur, nobis de *l'Epeante*, ex quâ exquisitissimæ pultes. Laudantur hîc vi-na *Surrentina*, de *Sorrento*, *Mâssicana Massicano*, *Nolanum Nolano*, *Græcum di Sommâ* ex monte *Vesuuio*. Sulphur eruitur optimum ad *Vesuuium*, *Gypsum* ad *Caietam*.

**PRINCIPATVS CITERIOR.** Regio temperatissima est, quare omnes hîc longæui. Aquæ quoque hîc calidæ non paucæ, plerisque in locis frumenti ferax, maximè in agris *Salernitano*, *Amal-phitano*, *Dianensi*, *Ebulensi*. Abundat quoque croco & moris vbique, vnde multûm hinc serici. In plerisque locis oleum, vi-num, *zea*, legumina affatim nascuntur.

**PRINCIPATVS VLTERIOR** est paulò frigidior Citeriore, sed aëris saluberrimi est, armentis diues, fructibus abundans; frumento, oleo, vino circumpositis regionibus decadens. Ferina hîc vilissimi pretij est; nuces & castaneæ innumerabiles. Metallicæ fodinæ auri & argenti desertæ, quia parùm metalli reddebant.

**BASILICATA** aspernum solum habet, sed tamen frumenti, vini, & olei diues; hîc quoque commodissimè crescunt crocus, & gossipium: melis & ceræ copiosus prouentus, quia hîc apes plurimæ. Ad oram leguntur aliquando vniones, sed minuti, & fusci.

**CALABRIA** egregiè rigua est, cerâ, melle, pascuis, frumento lœta. Sed super cæteras merces commendatur Manna Calabri-cum, triplicis generis, vnum dicitur *di Fronde*, quia ex foliis legi-tur, exquisitissimum prorsus: aliud *di Rami*, quia colligitur ex ramis, aliter dictum *di Pietra*, & *di Terreno*, quia rupibus & terræ adhærescit: tertium denique vile dicitur *di Corpa*, eliciturque in-star gummi ex pinis perterebratis, & lacrymas emittentibus. Olim primogenitus Regis Neapolitani dicebatur Dux Calabriæ.

*Calabria Citerior* frugum copia diues est, oleumque optimum emittit, & magni in Italiâ pretij. Mori hîc quoque plurimæ, quare serici magna copia. Sal quoque candidissimum ex rupibus effo-ditur. Metalla item omnis generis, sed ferrum & calybs aliis ante-feruntur: ferinæ quoque ingens copia ex *Apennino*, & sylvis am-plissimis.

*Calabria Vlterior*, montibus tumet, balneis abundat, dat fructus optimi saporis. Bolus *Armeniacus* hîc ante aliquot annos detectus est. Equi quoque hinc vegeti, armenta innumera, mellis suprà quâm credi possit copia, accersuntur.

CCCCC ij

APVLIA, vt olim nunc etiam calores acerbissimos experitur, & muscas tam importunas vt locum parcemus dederint, qui poenas inferni h̄ic pr̄agustare velit, huic æstatem in Apuliâ, hyemem ad Aquilam transigendas esse. Certè calor h̄ic plerumque tantus, vt etiam vina in vasis corrumpantur. Et tamen quod mirabere, pascuis lætissima est, vt mox ex eius partibus edisces.

Capitanata solum habet siccus, & arenosum, pabulum tenui, sed exquisitum, & quod paruâ copiâ pecori armento que sufficiat, ideoque Regis nomine pascua leui pretio à possessoribus redēpta, locantur, vnde aliquando Rex subductis impensis ducenta quinquaginta & amplius ducatorum millia conficit; nam ex Aprutio, & vicinis agris huc armenta & pecora deducuntur; forūntque h̄ic aliquando 5. millions pecudum numeratas esse, supra mille capitaboum, mille equorum; sed arboribus ferè tota caret.

Barenſis ager temperatissimus est, frumenti, & leguminum ferox, item & croci, atque omnis generis fructuum. Phalangia quoque, seu Tarentulæ h̄ic plus nocent, quàm in aliis Italæ locis. Serpentes h̄ic quoque plurimi, sed Ciconiæ egregiam operam locant iis exterminandis.

Hydruntinus ager grandini obnoxius est, atque fulminibus; sicior est, & tamen pascuis lætus. Oleum eius toti Italæ sufficeret. Chersydi h̄ic plurimi visuntur; item & locustæ quas Canalettes vocant, earum examina s̄æpe agros desolarent, nisi Gauij (volvrum genus est) ea dissiparant. Ex plebe h̄ic plurimi leprosi, quia suillâ carne, & sicubus siccis plebeij visitant.

COMITATVS MOLISSENSIS fertilis est, & frumento abundat, croco, vino, goffipio, serico. H̄ic tam multæ feræ, vt carum caro domesticis vilius veneat.

APRVTIVM CITERIVS riguum est, collibus tumet, sylvis distinguitur, ideoque frigidius cæteris reliquis huius regni partibus. Dat frumenti, vini, olei, croci plurimum. Pix quoque h̄ic è terra eruitur. Niues hyeme h̄ic tantæ, vt ex montibus deuolutæ plerumque viatores obruant, maxime ad montem Maiellam.

APRVTIVM ULTERIVS quoque frigidum, vnde prouerbium cuius suprà meminimus in Apuliâ. Ad Aquilam crocus ita crescit, vt toti Europæ sufficere videatur. Abundat quoque frumento, lino, fructibus, & ferinâ.